

# Канон преподобному Силуану Афонскому

Память празднуем 11 (24) сентября

## Тропарь, глас 4-й

Сладостию Духа напаяемъ и теплотою Христовы любве согреваемъ с плачем искал еси Христа в житии твоём, и Того Смирённа и Кротка слезами изобразил еси в нас, умильно зовущих ти: печалию твоёю исполнихомся веселия нетлённаго, Силуане, утешителю наш и молитвенниче вселённых.

## Ин тропарь, глас 2-й

Плачущим сокровённое радование, боримым защитниче и сирым помощниче, нищих и убогих покровителю, заступник за простыя и смирённыя люди, и всему миру печальник ты еси, потщися избавити ны от бед и напастей, Силуане отче наш, яко обнищавом зело во гресех.

## Канон

Глас 8-й

### Песнь 1

*Ирмос:* Воду прошед, яко сушу, и египетскаго зла избежав, израильтянин вопияше: Избавителю и Богу нашему поим.

Припев: Преподобне отче наш Силуане, моли Бога о нас.

Скорбьми и болезнями обремененни к тебе прибегаем, Силуане отче наш, утешения ищущи: о носителю дивный Духа Святаго, одожди сердца наша росю умиления.

Преподобне отче наш Силуане, моли Бога о нас.

Книгу твою, одушевленную дыханием Духа, яко залог нетлённых отеческия любве оставил еси нам, юже чтуще мним слышати твой тихий глас, взывающий нас от бездны греха к исправлению жития.

*Слава:* Охладе любы многих за умножение беззакония, и мраз ноци безлунныя объят нас, но вжег светильник молитвы

твоея, отче, разреши мглу страстей и согрей сердца наша сладчайшим светом милости Божия.

*И ныне:* Радость всех скорбящих, алчущим питательница, бездомных светлая обитель, обуреваемым тишина Ты еси, Владычице, со преподобным Силуаном не престаи молитесь, да познают вси людие Сына Твоего Духом Святым.

### **Песнь 3**

*Ирмос:* Небеснаго круга Верхотворче, Господи, и Церкви Зиждителю, Ты мене утверди в любви Твоей, желаний краю, верных утверждение, Единое Человеколюбче.

Преподобне отче наш Силуане, моли Бога о нас.

Буди нам отец и покровитель, Силуане благосердне, отри слезы незащитных сирот, прохладу души, изнемогающия тяготами житейскими, и всем даждь разумети, что есть отрада Господня.

Преподобне отче наш Силуане, моли Бога о нас.

Яко глубочайший сосуд, исполнь даров Пресвятаго Духа, изливай нам тишину Божественную, яко буря злых обдержит ны, и вопием ти от сердца: умири жизнь нашу миром Христовым, преподобне.

*Слава:* Щадити всех и вся учил еси, верный органе Святаго Духа, и ныне невидимую рукою прикоснися очесем нашим, да узрим славу Божию в братии нашей, и потечет, яко поток огненный, молитва, милующая всякую тварь.

*И ныне:* Именем Твоим, Владычице, горы искапают сладость, холми яко агнцы разыграются, и земнороднии вси радости неизглаголанная исполняем, зряще Тя, ширшую небес и чистшую светлостей солнечных, осеняющую мир милосердием Твоим.

Господи, помилуй (трижды).

### **Седален, глас 4-й**

Жаждею по Бозе возревновав, отче наш Силуане, землю отеческую оставил еси и со пустыннолюбцы Горы Афонския длани твоя поработати Господеви всеусерднейше распростерл

еси́. Идѣже равноа́нгельными труды́ твоими́ вертоград Влады́чицы міра преукраси́л еси́ и, я́ко міро благово́нное, Цѣркве вселѣнстей возблагоуха́л еси́, лозо́ винограда но́ваго, Ду́хом Святы́м облагодѣтствованная.

*Слава, и ныне:* Несть исчи́слити возмо́жно вели́чия Тво́я, Богороди́це, ниже́ изрещи́ неизсле́димую па́че ума́ глубину́ чудес́ Твои́х, соверша́емых прісно, любóвию Тя чту́щим и véрою покланя́ющимся, я́ко вои́стинну Бо́га ро́ждшей.

### **Песнь 4**

*Ирмос:* Услы́шах, Го́споди, смотре́ния Твоего́ та́инство, разуме́х дела́ Тво́я и просла́вих Твое́ Божество́.

Преподо́бне о́тче наш Силу́ане, моли́ Бо́га о нас.

Хле́бом жи́зни укрепи́ ру́це осла́бленныя и колѣна разсла́бленная, Силу́ане, я́ко уны́ дух наш от стра́ха и ча́яния гряду́щих на вселѣнну́ю; да утѣшатся малоду́шнии зрѣнием Го́спода всепроща́юща и не убо́ятся ктому́, иму́ще Христа́ крѣпкаго побóрника.

Преподо́бне о́тче наш Силу́ане, моли́ Бо́га о нас.

Ны́не зряй непостижи́мо красоту́ Лица́ Господ́ня и наслажда́йся райския́ доброты́, не гнуша́йся безобразия́ на́шего, о́тче, но дай по́мысл умилѣния, да пока́нием обря́щем па́ки о́браз Христо́ва благоле́пия.

*Слава:* А́ще и вре́мя твои́х скорбе́й преиде́, Силу́ане дивне, оба́че утробо́ю Христо́вою не престае́ши сострада́ти нам, бѣдствующим на земли́, и во свѣте невечѣрнем прино́сиши о нас слѣзы неизрече́нныя любве́, ихже ра́ди вси сла́дости утѣше́ния исполня́емся.

*И ныне:* Сыны́ Тво́я нарече́ нас распя́тый Господ́ь, Чи́стая, те́мже от грехо́вныя тьмы изба́вльшихся яви́ нас вои́стинну ча́да Бо́жия, да со дерзнове́нием воззовѣм: «О́тче наш Небе́сный, сла́ва Тебе́, благово́лившему породни́ти нас Страстьми́ Христо́выми».

### **Песнь 5**

*Ирмос:* Просвети́ нас повелѣ́нии Твои́ми, Го́споди, и мы́шцею Твое́ю высо́кою Твой мир пода́ждь нам, Человеколю́бче.

Преподобне отче наш Силуане, моли Бога о нас.

Уязвленные страстми многими не презри нас, отче, яко близ есмы отчаяния, но милосердне обвяжи раны наша, и слезами пречистыми покажи ны паки паче снега чистейшия.

Преподобне отче наш Силуане, моли Бога о нас.

Тек орел на высоту смирения, вецим взором приникаеши в глубины богословия, и нам, слепым, даруй прозрение Духом Святым, отче, да исполнимся Божественных догматов и православно прославим Троицу Единосущную во веки.

**Слава:** Егда удари Моисей жезлом камень, потекша воды в пустыни, и ныне ты, отче, острием словес твоих уязви ожесточенная сердца наша, да напоимся струями живоносными, и возсияет нам из купели слезных чудотворный Свет Воли Божией.

**И ныне:** Шипок тайный рая Богоматерняго, на Горы Святей прозябший, ныне благоухаеши вселенную всю ученьми твоими, мудре, и нам погибающим от яда тлетворнаго буди воня Христова в живот вечный.

## Песнь 6

**Ирмос:** Молитву пролию ко Господу и Тому возвещу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Преподобне отче наш Силуане, моли Бога о нас.

Источник жизни помози найти заблуждшим в пустыни мира, и нас притекающих к тихим струям словес твоих, Силуане Богомудре, напои реками воды живыя, истекшими от чрева твоего.

Преподобне отче наш Силуане, моли Бога о нас.

Слез наших не премолчи, Силуане блаженне, якоже сам в житии твоём в плаче истаяваем, познал еси томление души отпадшия от Бога, темже явися ныне помощник державный всем сокрушенным скорбми житейскими.

**Слава:** Имуще тя питателя жизни нашея, Силуане милостиве, вопиём: «Дай нам пищу благодати, яко глад Божий постиже нас, отче, дай нам, жаждущим, живую воду богоразумия

Духом Святым, и в теплую ризу облецы ны любве Божественныя».

*И ныне:* Людие да веселятся, осеняеми тайным пришествием Богоматере, покрывающая вся скорби земли, к Нейже души наша влекутся непрестанно любовью, ублажающе Ю гласы твоими, Силуане, яко радость и упование наше.

Господи, помилуй (трижды). Слава, и ныне:

### *Песнь 7*

*Ирмос:* От Иудеи дошедше отроцы, в Вавилоне иногда верою Троицкою пламень пещный попраша, поюще: отцев Боже, благословен еси.

Преподобне отче наш Силуане, моли Бога о нас.

Угасе в нас огонь благодати и небо затворися нам, но даждь нам помощь от скорби, Силуане, отче наш, и просвети нас пети во смирении и любви даже до последнего издыхания: благословен еси, Боже отец наших.

Преподобне отче наш Силуане, моли Бога о нас.

Адовы ужасы, яко скимни, обидоша нас, но моления твоя стяжахом яко покров Божественный, имже покрываеши нагия дерзновения, отче милостиве, и сердца согреваеши печалию греховною унывающая.

*Слава:* Неопищенного смирения Христа Бога вкусивый, во вся дни живота твоего смирялся еси жестоко, отче, и нас научи стяжати краткого и смиренного духа, да не погубим благодати ктому и не возрыдаем о ней адамовым рыданием.

*И ныне:* О всепетая Мати, рождающая всех святых святейшее Слово, вдохнови нам слово пламенное, да сынолепно воспоем милость Твою, еюже матерски болезнуеши о скорбящем мире, якоже возвести нам Силуан, тайнник Твой.

### *Песнь 8*

*Ирмос:* Царя Небесного, Егоже поют вси Ангельстии, хвалите и превозносите во вся веки.

Преподобне отче наш Силуане, моли Бога о нас.

Мілюющее вѣмы сѣрдце твоѣ, Силуáne, я́ко на землі та́йно навча́емь Ду́хом Святы́м, вѣ́ну скорбе́л еси́ о грѣшницах, в моли́твах пролива́я слѣзы о них, те́мже утробу твою́ сострада́тельную ны́не отве́рзи и нам, си́рым твои́м.

Преподо́бне о́тче наш Силуáne, моли́ Бо́га о нас.

Моли́твою слѣзною укрепи́ нас у́треневати от но́щи грехо́вныя, Силуáne о́тче наш, и во свѣте нетле́нныя любве́, весе́лыми нога́ми по́йдем с тобо́ю за у́тренней Звездо́ю, Христо́м, сла́вяще Его́ во вся ве́ки.

Преподо́бне о́тче наш Силуáne, моли́ Бо́га о нас.

Иде́же любы́, та́мо и печа́ль, я́ко любы́ при́сно состра́ждет, те́мже, о́тче ми́лостиве, по́й нам, скорба́ющим на землі, песнь, ей́же научи́ тя Ду́х Святы́й, и расшири́тся сѣрдце на́ше тещи́ путь крѣстны́й да́же до конца́.

*Слава:* Ли́ки Ангельскими неизрече́нно воспева́емую, ны́не зри́ши во сла́ве Ма́терь и Де́ву, Ю́же умоли́, любоблагоутро́бне, ниспосла́ти нам Богоро́дичную благода́ть, е́же Ма́терним сѣрдцем болѣзновати о всех, я́ко о при́сных дѣтех.

*И ны́не:* От зме́я грѣхвна́го Симео́на ю́наго спасла́ еси́, Ма́ти, на стези́ пока́яния наста́вивши, и ду́ши на́ша, иссо́хшия от го́рести уны́ния, наслади́ посеще́нием Твои́м и испра́ви, я́ко жезл, непоро́чно сохра́нити пу́ти же́стоки, любве́ ра́ди Сы́на Твоего́.

## Песнь 9

*Ирмос:* Вои́стинну Богоро́дицу, Тя испове́дуем, спасѣ́ннии Тобо́ю, Де́во Чи́стая, с Безплотными ли́ки Тя велича́юще.

Преподо́бне о́тче наш Силуáne, моли́ Бо́га о нас.

Се вся земля́ скорби́т и взыва́ет ти гла́сом на́шим, о́тче всеми́рне: научи́ нас смири́ти себѣ́ и люби́ти враги́, да вселі́тся в ны́ Ду́х Святы́й и обря́щем Небе́сное Ца́рство с тобо́ю.

Преподо́бне о́тче наш Силуáne, моли́ Бо́га о нас.

Тружда́йся па́че челове́ка, проро́чески прия́л еси́ во чре́ве, стра́ха ра́ди Го́спода, и поболѣ́л и роди́л еси́ нам ду́ха спасѣ́ния Бо́жия, імже́ весели́ши мно́гия, о́тче, и росо́ю слез твои́х

исцелиши вся поющия ти: радуйся, Силуáne, утешителю наш.

Преподобне отче наш Силуáne, моли́ Бóга о нас.

Изнемо́же всякое сло́во, и то́кмо въздыхáния сердéчная оста́вишася нам, но глаго́лы тво́я укра́дше, прино́сим ти послéдний сей глас: Силуáne, отче наш, моли́ о нас, дéтех тво́их ны́не и в час сýдный, да бóудем с тобо́ю на небесéх, слы́шаще пéсни, я́же пою́тся Духом Святы́м.

**Слава:** Ви́дел еси́ Свет и́стинный, прия́л еси́ Духа Небéснаго, тайнниче благодáти, да свободимся и мы тобо́ю от всякия прéлести, Силуáne, и научимся поклоня́тися Живоначáльной Трóице Духом и и́стиною.

**И ныне:** Елéй светíльника нáшего оскудé, и мрак смéртный найдé на нас, но возсия́вши, Пречíстая Зарé, введи́ ны в Черто́г Христóв, да причáстницы бóудем Та́йныя Вéчери А́гнца со отцáми нáшими и с Тобо́ю, Дéвственная Рáдосте небéсных и земны́х.